

東
林
書
院
志

東林書院志卷之十三

祀典

流澤在人饗以俎豆禮也學者得以俎豆之事習禮于斯觀
感興起弗可替也在官之祭則於以見著令之有加隆焉志
祀典

古有釋菜釋奠之禮釋菜行于孟春而禮簡釋奠四時可行而禮
煩今制學宮之祭每歲于春秋仲月上丁日行即古釋奠也本祠
之祭酌古準今而權煩簡每歲于正月上甲日行釋菜禮春秋仲
月仲丁日行釋奠禮

釋菜儀注

前三日齋戒前一日宿院中

先師前設爵三

旁二爵先酌酒

簋豆各二

二

豆在中盛菁菹兔醢醢在兩旁盛棗栗無

免則以至日夙興主祭者與陪祭俱吉服
通贊 執事者各就位

陪祭者各就位 主祭者就位 瘞毛血 迎神鞠躬拜 興

拜 興 拜 興 拜 興 平身 行獻禮通贊 詣盥洗所

詣酒尊所 司尊者舉爵 酌酒 詣

先師孔子神位前 跪 獻爵 俯伏 興 平身 詣讀祝位

跪通贊 陪祭者俱跪通贊 讀祝通贊 俯伏 興 平身 復位

通贊 送神 鞠躬拜 興 拜 興 拜 興 平

身 禮畢

祝文曰惟年月日末學某等敢昭告於

至聖先師孔子惟

師祖述堯舜憲章文武上律天時下襲水土如天地之無不持載

無不覆幬如四時之錯行如日月之代明茲當東林書院一歲

講習之初恭修釋菜之禮尙 饗

同日

楊龜山先生神位前設爵

二旁二爵先酌酒行盞豆各二盛菁藟魚

醴二籩在兩旁盛菓栗

七先生神位前每位設爵

一官行每案設籩豆各二如前。執事

者各就位

陪祭者就位

主祭者就位

迎神

鞠躬四拜

興 平身

行獻禮

酌贊 詣盥洗所

詣酒尊所

司尊者舉

尊酌酒 詣

楊龜山先生神位前跪

獻爵

俯伏

興

平身

跪通贊助

祭者皆跪

引贊 讀祝

通引 俯伏

興

平身

復位

引贊 分獻

分獻

者詣

七先生神位前

跪

獻爵

俯伏

興

平身

復位

通贊送

神 鞠躬四拜 興 平身 禮畢

祝文曰惟年月日末學某等敢昭告於

宋楊龜山先生之神曰惟

先生倡道東南至止錫邑十八年儀刑儼在五百歲道化如新茲
當東林書院一歲講習之初恭修釋菜之禮謹以

仲素羅先生

德輝胡先生

玉泉喻先生

遂初尤先生

小山李先生

實齋蔣先生

二泉邵先生配尚

饗後來續進願高諸先生司祝文者宜于臨時一照此例宣讀

釋奠儀注

先三日齋戒前一日宿院中午後省牲用羊豕各一以全牲獻
聖廟主祭者恭揖而退毛血用盤盛待次早瘞

先師前設爵六三盛登一大羹猪肉汁釃二和羹汁用簋二黍簋

二稻籩八刑鹽菜魚棗栗豆八韭菹切去本末取中四寸青菹

熟之和鹽酒料物魚醢細切魚熟之和菹四羊首一猪首一羊

帛一酒尊一

至日夙興主祭者與陪祭者俱吉服通贊執事者各司其事

陪祭者各就位主祭者就位瘞毛血迎神鞠躬拜

興拜興拜興拜興平身行初獻禮引贊

詣盥洗所詣酒尊所司尊者舉爵酌酒詣

至聖先師孔子神位前跪獻爵奠帛俯伏興平身

跪通贊引贊陪祭者皆跪引贊讀祝通引贊興同唱俯伏同唱興同唱平身復位

行亞獻禮通贊詣酒尊所通贊司尊者舉爵酌酒通贊詣

至聖先師孔子神位前通贊跪獻爵通贊俯伏通贊興通贊平身復位

通贊行終獻禮通贊詣酒尊所通贊司尊者舉爵酌酒通贊詣

至聖先師孔子神位前通贊跪獻爵通贊俯伏通贊興通贊平身復位

通贊飲福受胙通贊詣飲福位通贊跪飲福酒通贊受胙通贊俯伏

興通贊平身復位通贊鞠躬拜通贊興通贊拜興通贊平身徹饌

送神通贊鞠躬拜興通贊拜興通贊拜興通贊拜興通贊平身

讀祝者捧祝通贊進帛者捧帛通贊各詣瘞位通贊望瘞通贊詣望瘞

位焚祝帛通贊同唱

祝文曰某年歲次甲子某月甲子朔越某日甲子末學某等敢昭告于

至聖先師孔子惟

春謹以牲帛醴

養

同日

登一劍一簫一篋一

六刑鹽藥魚鮓
栗榛犬寶
豆六
菲菹菁菹芹菹
笋菹醢醢魚醢
帛一
俎四
二方二組盛
二組盛羊肉

二猪方肉

東西劍各一
簠簋各一
簠各四

栗茨 豆各四 韭菁 笋各二 羊蹄一 猪蹄一 通贊唱 各就位 迎神 鞠躬

四拜興
平身奠帛
行初獻禮引贊
詣盥洗所
詣酒

尊所司尊者舉爵酌酒詣

先生神位前 跪 獻爵 獻帛 俯伏 興 平身 跪

陪祭者皆跪引贊讀祝通引俯伏興平身復位引贊分

獻者詣

七先生神位前跪獻爵俯伏興平身復位通贊行

亞獻禮如前行終獻禮如亞獻禮辭神鞠躬四拜興

平身讀祝者捧祝進帛者捧帛各詣瘞位望瘞引贊詣望

瘞位焚祝帛訖通引禮畢

祝文曰惟年月日末學某等敢昭告於

朱龜山楊先生之神曰惟

先生倡道東南至止錫邑十八年儀刑儼在五百歲道化如新茲

當仲春秋敬舉時祭謹以

仲素羅先生

德輝胡先生

王泉喻先生

遂初尤先生

小山李先生

實齋蔣先生

二泉邵先生配尙

饗自今以後讀
祝文例見前

釋菜祭物

聖廟棗一觔 栗一觔 菁菹一束 魚二觔 酒一瓶 香燭

一副

道南祠棗三觔 栗三觔 菁菹一束 魚三觔 酒二瓶 香

燭三副

釋奠祭物

聖廟猪一口重若干觔 羊一羖重若干觔 帛一段 黍稷

稻梁 形鹽 菜魚 棗 栗 榛 菱角 芡實 柿 韭
菹 菁菹 菜菹 芹菹 笋菹 醃醃 魚醃 糗餅 粉
蚤 酒一瓶 香燭一副

道南祠猪羊分用 帛 黍稷 稻梁 形鹽 菜魚 棗 栗
榛 芡實 韭菹 菁菹 芹菹 笋菹 醃醃 魚醃 酒
二瓶 香燭三副

以上係劉本菴先生志草原文

官祭緣起

江南常州府無錫縣儒學生員施揚曾願弘烈高肇升華燦張夏等呈爲大道欣逢中天先儒再得此日公懇憲頒官祭以崇理學事竊惟吾道南矣前賢知正學之有歸斯文在茲後代卜天心之未喪豈廟貌千秋不毀而官祭一日未邀幸逢關閩之代興永勒春秋之崇祀伏覩宋朝楊文靖公龜山先生道南祠在無錫縣城東隅係十八載流寓之舊區爲五百年講習之公所載在志書稱爲古蹟自願高兩先生繼講席而虔修灌獻得歐林諸守令因共事而敬薦蒸嘗是則當日之私祭卽當日之官祭也逮魏璫拆毀書院惟此祠不改舊觀然沿至今日而官祭竟湮矣恭遇 大宗師老大人 心契西銘道隆北學三才合撰興禮樂以輔佐太平八代起衰立德功而並垂不朽所以吳風丕變窮鄉習衍義之書因

之宋廡再新下士識崇儒之要不愧同風千里洵稱曠代一時今有文靖十八世孫生員楊惟植德行允孚于閭里孝思彌篤于家庭捐產葺祠備員奉祀朝夕瞻依旦明對越詠世祖清芬之澤徵憲天育化之隆但念有裔祠無官祭未免愴懷且謂援常郡比錫山尙爲缺典伏乞 大宗師老大人表章先儒興起後學批照毘陵道南祠事例令有司春秋致祭著爲令甲庶幾風高立雪國家無不舉之禮文兼且化洽橫渠草野有幸修之經術矣爲此連名具呈須至呈者 順治十六年二月二十六日

江南常州府無錫縣儒學爲大道欣邁中天等事蒙 欽差提督江南淮揚蘇松等處學政提刑按察司僉事張批發本學生員施楊會顧弘烈高肇升等呈詞前事奉批開龜山先生有裔祠而無官祭殊爲缺典仰學照例速議詳奪等因蒙此遵依查得宋儒楊

文靖公龜山先生流寓錫邑十有八載紹興末公之孫航以樞密院編修轉常州添差通判遂占籍錫之垂慶鄉子孫世居焉其祠于茲土宋元以來尙矣其地向爲庵僧侵沒賴顧高兩賢出善價購贖而祠得復存後爲魏璫搢括幸忠憲義僕執志書力爭而祠得不毀當講學之日撫按分司頻來拜謁郡守邑侯共事趨蹌此官祭之所以不待請也自哲人云亡廟貌寂寞近有文靖公系孫奉祀生員楊惟植棲止祠旁勉修講習邑中子弟莫不欣蒸固本生誦芬咏烈之思實皆憲臺一道同風之效不有官祭曷昭大公此生員施楊曾等之所以公請也龜山先生之宜有官祭旣不待言而錫邑道南祠係十八載講習之故宮尤千百年精氣之所聚春秋禮祭又何疑乎祠中諸從祀皆宋明以來大儒或受業于及門或私淑于後世各有羽翼之功無忝馨香之配并合開列姓氏

同祭文粘單報明

江南常州府無錫縣儒學爲大道欣邁中天等事承准本縣故牒該蒙 欽差督學道張批發本學呈詳生員施楊曾顧弘烈高肇升等呈舉楊龜山先生官祭緣由奉批開道南祠應官祭以崇祀典仰縣查照典例行此繳等因到縣奉此行文牒學卽便遵照憲批事理查照典例具由呈縣候覆施行等因承此該本學會集生儒議得理學宗風不墜惟賴表揚先賢教澤常新敢弛報祭故周元公之祭于濂溪祭于九江與朱文公之祭于婺源祭于建陽不一而足皆地方之光而典章增重者也今東林之有楊龜山祠實與元公文公各處耑祠相埒宜遵照本邑崇正書院祭品禮儀兩丁奉祀擬撰祭文一篇恭候裁定施行

維

順治歲次

月朔

越

日丁

知無錫縣事黃之

蔚等謹致祭於

宋先儒楊文靖公龜山先生之神曰先生之學繼程啓朱先生之
文超歐軼蘇惟是東林神靈所都一十八年來誨吾徒未發氣
象無欲功夫吾道南矣其在斯乎茲當春秋丁敬行禘祭謹以

仲素羅先生

德輝胡先生

玉泉喻先生

遂初尤先生

小山李先生

實齋蔣先生

二泉邵先生

筠塘陳先生

啟新錢先生

涇陽顧先生

靜餘許先生

涇凡顧先生

立臺薛先生

閒適葉先生

弦所張先生

景逸高先生

我素安先生

覲華吳先生

經畬鄒先生

本瑞劉先生

仁寰宿先生

水菴秦先生

訥菴華先生

素修馬先生

幾亭陳先生

鳳超華先生

仲馭周先生

配尙

饗

東林後學錢肅潤高菑生顧曰騏等呈爲祀典道批釐正後學永藉生成懇賜申飭振新以復舊觀以彰文治事東林書院道南祠崇祀肇稱夫文靖學統特著夫顧高前賢倡而後賢隨講會開而文會起月旦旣本大公典章悉遵舊制肅潤等上年十一月十六日具呈憲轅蒙批與同學先達碩儒共相討辨釐正潤等感佩天恩約同郡縣先達公同議得在祠諸賢久經祀祀難分彼此自應一體補復位次如江右南臯鄒公爲東林前輩金沙景素于公爲道南功臣並當增入以光正學已擇本年正月上元日迎進二月十一日仲丁釋菜願高後裔相同講習如初理合報明又上年九月先蒙大憲臺給示內開前賢絃誦之區如有師儒生徒銳志聖

賢不妨講習其中因于講會之外復聯文會勤行督課可奈書院
荒頽多就傾圮會逢大憲臺內召總憲若乘此日振新洵是千秋
盛舉伏乞憲恩批飭通屬所司及時修葺加意護持庶棟宇煥新
咸仰作人雅化規模整舊羣瞻循道洪庥將自一邑而徧三吳彬
彬開文治之盛且由一時而傳千古永永頌令德之垂先儒叨庇
實深後裔沾恩亦靡量矣爲此上呈

康熙二十三年三月
日呈總憲余

計呈

道南崇祀先儒位次

主位

宋文靖龜山楊先生

諱時而
劍將樂人

配位

仲素羅先生

諱從彥
南劍人

德輝胡先生

諱理
武陵人

玉泉喻先生諱人居無錫祥符遂初尤先生諱無錫人

小山李先生諱無錫人實齋蔣先生諱無錫人

二泉邵先生諱無錫人涇陽顧先生諱無錫人

涇凡顧先生諱無錫人啟新錢先生諱無錫人

以身薛先生諱無錫人我素安先生諱無錫人

本孺劉先生諱無錫人懷魯周先生諱無錫人

元冲李先生諱無錫人玉池史先生諱無錫人

靜餘許先生諱無錫人慎所丁先生諱無錫人

景逸高先生諱無錫人少墟馮先生諱無錫人

閒適葉先生諱無錫人筠塘陳先生諱無錫人

宜諸歐陽先生諱無錫人淇澳孫先生諱無錫人

念望劉先生諱無錫人秉旂高先生諱無錫人

儉齋王先生

諱永興人

振衡余先生

諱王節人

茲所張先生

諱夢時人

燕超華先生

諱允謀人

西溪繆先生

諱昌期人

大洪楊先生

諱應山人

湛持文先生

諱震孟人

廓園魏先生

諱大中人

觀華吳先生

諱柱森人

石齋黃先生

諱道周人

鳳超華先生

諱九誠人

經畬鄒先生

諱期楨人

素修馬先生

諱世奇人

狷菴金先生

諱進鉉人

霞舟吳先生

諱鍾梧人

寶慈成先生

諱安勇人

庸菴顧先生

諱樞人

蘇門孫先生

諱奇逢人

大音秦先生

諱錫人

幾亭陳先生

諱善正人

補祀

南阜鄒先生

諱元標人

景素于先生

諱孔兼人

復祀

薇山虞先生

諱薦登丹陽人
居無錫

忠餘鄒先生

諱期相
無錫人

水菴秦先生

諱爾載
無錫人

並漁陳先生

諱正卿
無錫人

仁賓宿先生

諱愛鯉
無錫人

訥菴華先生

諱貞元
無錫人

仲馭周先生

諱雲鑣
金壇人

日齋黃先生

諱錫人
無錫人

太巖張先生

諱雲鸞
無錫人

蒙古刁先生

諱州人
無錫人

北海孫先生

諱永澤
大興人

子衆陳先生

諱善人
嘉善人

曠如施先生

諱元徵
無錫人

澹緣秦先生

諱重泰
無錫人

遜菴惲先生

諱日初
武進人

震西翼先生

諱廷恩
武進人

佩之嚴先生

諱錫人
無錫人

配位緣起

宋喻玉泉先生 龜山門人

宋尤遂初先生 玉泉門人

宋李小山先生 遂初門人

宋蔣實齋先生 遂初門人

右喻尤李蔣四先生由龜山一脉遞傳故以之配享蓋元儒廣薦發所定而邑人稱爲五賢者也

宋羅豫章先生 龜山門人

宋胡德輝先生 龜山門人

明邵二泉先生

右羅胡兩先生係萬厯甲辰三十二年顧涇陽先生重建道南祠時所補祀復增入邵二泉合前喻尤李蔣爲七先生

明顧涇陽先生

明顧涇凡先生

明錢啟新先生

明薛以身先生

明安我素先生

明劉本孺先生

右六先生係天啓六年丙寅二月高景逸先生將殉止水而躬進者有告祠文

明高景逸先生

明葉閒適先生

明陳筠塘先生

明許靜餘先生

明吳素衣先生

明鄒經畬先生

右六先生崇禎年間所進

明張弦所先生

係崇禎年間所進

明馬素修先生

明華鳳超先生

右兩先生係順治六年高世泰等公送入祠

明周仲馭先生

係順治九年高世泰等公送入祠

明秦水菴先生

係順治十二年高世寧等公送入祠

明宿仁寰先生

明陳幾亭先生

明華初菴先生

右三先生係順治十三年高世泰等公送入祠

明鄒忠餘先生

係順治

明陳並漁先生

係順治十六年

等具呈邑令黃公從祀

明黃日齋先生

係順治十七年鮑鳳來等具呈邑令黃公從祀

明張泰巖先生

係順治十八年鄧胤祺等具呈邑令黃公從祀

明孫淇澳先生

係

明惲遜菴先生

係

明刁蒙吉先生

係康熙九年高世泰等具呈邑令吳公從祀

宋虞薇山先生

係康熙十一年高世泰等置主補祀

明秦澹緣先生

係康熙十年

等具呈邑令吳公從祀

明史玉池先生

係康熙十二年高世泰等具呈邑令吳公從祀

明嚴佩之先生

係康熙十二年

等具呈邑令吳公從祀

明施曠如先生

係康熙十三年龔廷歷等具呈儒學 公從祀

國朝孫北海先生

係康熙十五年高世泰龔廷歷高芷生等具呈邑令吳公從祀

國朝龔震西先生

係康熙十七年王仁液等具呈邑令韓公從祀

明成寶慈先生

國朝陳子衆先生

右兩先生係康熙二十年張光庭高菖生高芷生等具呈邑令

曾公從祀

明余振衡先生

係康熙二十一年高舊生高芷生等具八呈邑令曾公從祀

明周懷魯先生

明李元冲先生

明馮少墟先生

明丁慎所先生

明歐陽宜諸先生

明劉念臺先生

明高彙旃先生

明王儉齋先生

明華燕超先生

明楊大洪先生

明繆西溪先生

明魏廓園先生

明文湛持先生

明黃石齋先生

明金狷菴先生

明吳霞舟先生

明孫蘇門先生

明顧庸菴先生

右十八位先生係康熙二十二年顧貞觀等具呈撫憲余公從祀

明秦大音先生

係康熙十年孫秉禾等具呈邑令吳公從祀

明鄒南皋先生

明于景素先生

右兩先生係康熙二十三年錢肅澗等具呈撫憲余公從祀

明賀亨陽先生

明熊所公先生

右兩先生係康熙二十三年高蓀生錢肅澗高止生等具呈備學方公邑令徐公詳道憲劉公學憲趙公從祀

明汪鶴嶼先生

明胡慎三先生

右兩先生係康熙二十五年施璜等具呈邑令徐公詳道憲劉公從祀

明蔡雲怡先生

國朝王敬哉先生

右兩先生係康熙二十五年高正生錢肅潤等具呈邑令徐公詳道憲劉公從祀

國朝湯潛菴先生

係康熙二十六年孫纓武等具呈邑令徐公通詳各憲從祀

明龔佩潛先生

係康熙二十七年門人王列星等具呈邑令詳府轉詳學憲李公批行從祀

明王軒錄先生

係康熙三十三年許之漸高蒼生高正生等具呈撫憲宋公學憲許公從祀

明周夢洲先生

國朝吳微仲先生

國朝施虹玉先生

右三先生係康熙五十二年楊慶徵高芷生高桂等具呈邑令
涂公詳撫憲儀封張公批允入祠

國朝熊敬修先生

國朝張菰川先生

右兩先生係康熙五十二年高芷生秦源寬高隆等具呈邑令
涂公詳撫憲儀封張公批允入祠

國朝陸稼書先生

國朝汪默菴先生

右兩先生係康熙五十二年高芷生高大酉高增等具呈邑令
涂公詳撫憲儀封張公批允入祠

明陳中湛先生

係康熙五十六年周朝銓吳雲棟高瞻等具呈學憲林公批允入祠

國朝宋牧仲先生

國朝許時菴先生

右兩先生係康熙六十年祝昇平高桂高隆等具呈本學李公詳請學憲鄭公批允入祠

國朝張孝先先生

係雍正三年王雲錦高桂華希閔高隆顧滂等具呈撫憲張公批允入祠

明姜同節先生

國朝高紫超先生

右兩先生係雍正七年孫褒仁等具呈邑令王公詳請學憲邵
公批允入祠

添設牲牢緣起

江南常州府金匱縣爲額詳捐設牲牢永光道南俎豆事案據紳士秦源寬杜詔王樹高桂華希閔高隆許獻高躍龍秦伯龍高廷珍鄒鳳城高文長等公呈前事內稱金匱東林書院有道南祠祀宋楊龜山先生及羅豫章以下計先賢共八十有八人生雖異代此心此理皆同道出一源其人其品無二有明萬厯之季顧高繼起大振儒宗迄今隆盛之朝熊許諸公有功講席一堂共祀千古爲昭但神祠三間正中一龕係奉楊龜山先生神位旁列四龕係宋元明以至本朝諸賢從祀之位每逢春秋二丁行祭止于龜山龕前例備猪羊一副而從祀如羅豫章以下四龕向來祭品闕如幸遇師臺學道愛人景行先哲每于文廟行香之後瞻謁無虛更集諸生文課其中薰陶有藉本年二月初十日親行致祭于從

祀四龕之前特捐設猪羊四副將辦香之益蒸亦血食之愈隆大
愜人情堪爲定例伏懇備文申 憲載之祀典永垂無窮則配食
益崇其儀諸賢之彤蜚倍著牲牢不缺于物道南之俎豆彌光將
後學之薪傳炳于星日而先賢之道統浩若江河矣等情具呈前
來據此當經具詳 各憲在案今奉 署督部院尹 批開仰蘇
州布政司查明飭遵繳又奉 署撫部院喬 批開仰布政司查
明議詳核奪仍候 督部院批示繳又奉 布政使司白 批開
據詳道南祠旁祀諸賢捐備牲牢致祭足徵留心祀事旣據通詳
仰候 各部院批示具報繳又奉 按察司刁 批開道南祠正
中一龕向備猪羊崇祀旁列四龕諸賢岳峙昌明
聖學均有功于世道人心羽翼龜山咸宗主于分殊理一此誠先
後同揆所宜薦歆一體者也今春秋二祀祭品闕如該縣親行致

祭於從祀四龕之前捐設燔香牲醴備所未備祀典從新諸紳士
崇賢念切思隆俎豆之光而該縣重道情殷大煥蒸嘗之典詢稱
盛舉允協輿情據詳仰常州府轉飭悉如所請永著爲例仍候
各院憲批示繳又奉 本府正堂魏 批開先賢從祀例設祭品
或編欵不敷添備以光祀典誠當永遠照行仍候 各憲批示繳
各等因批行到縣奉此該卑署縣從祀先賢祀典宜備凡遇祭時
備設牲牢應請永爲定例以昭祀典遵奉批飭議詳合行詳覆仰
祈 憲臺俯賜轉詳爲此卑署縣合行具由另備書冊謹申伏乞
照詳施行須至申者雍正十年六月初十日知縣胡公 各慎
署江南常州府正堂李 爲額詳捐設牲牢等事七月十五日蒙
布政司白 憲牌內開奉 署撫都院喬 批本司呈詳該府
詳覆金匱縣道南祠旁祀諸公捐設牲牢一體致祭詳請永爲定

例緣由蒙批如詳飭遵繳等因到司奉此合行轉飭仰府即便轉
飭遵照毋違等因到府蒙此合就轉行爲此仰縣官吏查照來文
即便遵照毋違須至牌者雍正十年七月二十三日知府李公
振

東林書院志卷之十四

公移

會友講學求以明道諸賢退藏者事也然必藉賢當路護持
誠如景逸先生云非藉寵靈不足以樹風聲而垂永永者歟
况嗣後諸賢不作遺緒莫肩當路之力其所維繫又曷可少
哉志公移

請復東林書院呈辭

直隸常州府無錫縣儒學生員馬希尹王純一孫之賢等呈爲興
復先賢遺蹟以延道脉以維士風事竊以道炳日星恒歷久而逾
著學涇草莽必有藉以更新故範俗要在作人而興教務先正學
茲邑有楊龜山先生書院創自政和之世葺繇嘉靖之初從游一
十八年喻工部以親炙而躬承正派興起二三百載久矣莊緣私

淑而力障狂瀾一時明道法之宗瞻依孔孟通邑洗異端之習誦
法程朱詎期習與時移教隨人息招提在望僅聞演法壇場書院
久墟無復譚經皋比嗟往喆之儀形既遠恐將來之趨向漸歧久
議修復未行究且榛蕪誰闢今日者斯文有幸吾道將興高山勤
仰止之思倡明絕學魯國值多賢之會共翼真傳化益溥於菁莪
士式歸其鼓鑄願拓昔時之遺址劍屨重光更還異代之芳規宮
壑不朽伏乞念士風之宜振憐習俗之久污亟賜主持弘敷教澤
俾升堂入室歸然開道術於東南而玉色金聲卓爾溯真源於洙
泗下情無任懸企之至萬曆三十二年二月初七日呈

縣牒

直隸常州府無錫縣爲興復先賢遺蹟等事據生員馬希尹等連
名具呈前事到縣擬合牒送儒學衆議果否輿論允孚卽查動費

工價合用若干應否官民出辦逐一查明呈報以憑議後申詳修理施行須至帖者萬曆三十二年二月十九日知縣林宰

學錄

直隸常州府無錫縣儒學爲興復先賢遺蹟等事承准本縣取牒前事承此遵依行帖查勘去後隨據本學廩增附生員顧麟禎鍾敬俞宰等結稱會同該學查得龜山先生書院創造有年修葺未舉今欲恢昔時之遺址復異代之芳規真斯文大幸輿論允孚者但規制煩重費用不貲邑內縉紳先生已共集銀三百兩惟是加意正學興起人文以共成茲舉者尙有待焉爲此連名具結前來卑學合行具錄牒呈伏乞照詳轉達施行須至牒呈者萬曆三十二年三月初二日教諭單有學訓導李從謙王梟

縣申

直隸常州府無錫縣爲興復先賢遺蹟等事蒙本府信票前事仰
縣查該縣原詳修造先賢龜山祠宇逐一估計明確申府覆議轉
詳等因又蒙硃批查堪動錢糧該縣設處若干其少者本府措處
蒙此隨行主簿張守善議估間續蒙信票差吏孔光祚齎發銀一
百兩零五錢五分一釐下縣收貯縣庫候發外今准張主簿牒稱
遵依會同顧高二宦及原呈生員馬希尹等前詣應造祠宇處所
公同酌議應用木石磚瓦釘灰等料并夫工飯米共估價銀七百
七十二兩零三分只數前來准此隨該本縣細加檢查庫有一項
萬曆三十年解存各衛倉米折銀五兩一錢一分八釐七毫六絲
三十二年科貢項下額編進士四名每名牌坊銀二百零四兩今
料止中三名存銀二百零四兩又本年許春元不受長夫銀二十
九兩八錢二分八釐及有三十一年驛徒夫納差銀七十三兩七

錢四分二釐已上四項共該銀三百十二兩六錢八分八釐七毫六絲查係無礙堪以動用及蒙府發銀一百兩零五錢五分一釐原申邑內縉紳助集銀三百兩共銀七百十三兩二錢三分九釐七毫六絲餘不敷銀五十八兩七錢九分二釐四毫四絲本縣另行設處完工合無候詳允日委官辦料刻日興舉係干動支錢糧事理未敢擅便擬合具申伏乞照詳轉達施行萬曆三十二年三月二十三日知縣林宰

府牌

直隸常州府爲興復先賢遺蹟等事奉巡撫曹批發本府請詳動支官銀建造無錫縣龜山書院緣繇奉批府縣庫貯銀俱准動支委官辦料督匠興工不敷之數聽該縣另行設處詳報又蒙巡按御史馬批開該縣庫貯無礙銀兩准照動支爲修復書院之費不

足之數於本院留充兵餉贖銀內支銷繳又蒙帶管營鎮兵備道
鄒批開無錫議復龜山先生書院既查有堪動官銀准照府發縣
委廉幹官員飭材鳩工速完具報尙少銀數另牌行助等因奉此
案查先據該縣申詳前來隨該本府看得先賢楊龜山先生寓居
毘陵錫山之間凡一十八年與鄒道鄉周伯忱兄弟互相切摩以
故理學一脈至今猶存其淵源有自來矣無錫舊有東林書院爲
龜山而創向未修葺俱已廢壞今該縣縉紳議復舊址以表揚先
哲興起後學風教所關誠盛舉也估該工料銀七百七十二兩三
分及各宦助銀三百兩尙少銀四百七十二兩三分相應官助今
據該縣查有三十二年科貢項下存剩銀二百四兩又本年許春
元不受會試長夫銀二十九兩八錢二分八釐及三十一年錫山
驛徒夫納差銀七十三兩七錢四分二釐俱各堪以動支連前各

官助銀共有六百七兩五錢七分仍少銀一百六十四兩四錢六分隨查本府庫貯原發放存俸糧等銀共一百兩五錢五分或係遠年貯庫或係正項支存俱堪動支發縣湊修合無候詳允日准支府縣庫前項銀各官銀兩給發委官辦料督匠興工尙少銀六十四兩四錢六分或批量助或聽該縣一併設處工完冊報等因具由申奉批發前因擬合就行爲此牌仰本縣官吏照依備奉批詳內事理卽將本府原發助修銀一百兩五錢五分并該縣科貢等銀三百七兩五錢七分及各官銀三百兩照數結發廉幹官員辦料興工勒限完報完日備造某處用過工料逐項查明并取官匠結狀各五本申府以憑覆核轉報其不敷銀兩查照批示遵行毋得違悞須至牌者萬曆三十二年四月初四日

知府歐陽公名東厚以下府庫

直隸常州府爲興復先賢遺蹟等事。蒙欽差提學御史楊批發本府呈請動支官銀建造龜山書院。緣由蒙批修葺書院不敷准動本院贖銀四十兩給助之工完冊報繳。蒙此案查先蒙撫按道批詳前事已經備行該縣興工建造去後。今蒙批發前因擬合就行爲此仰無錫縣官吏查照原今事理即便行委廉幹官員作速辦料修葺務期堅固不敷銀兩准于本院項下贖銀內支銀四十兩。奏結完日用過工料細數文冊并管工官匠結狀各一樣五本申府轉報須至票者萬曆三十二年四月初七日。

直隸常州府爲學政事。蒙欽差兵備道鄒憲牌該蒙欽差督學御史楊憲牌照得無錫舊有楊龜山先生書院日久湮沒。今據該府縣申請修葺不敷銀兩即便轉行常州府將原批該府動支本院贖銀四十兩量助外其原詳六十四兩四錢六分尙欠二十四兩。

四錢六分再于贖銀內照數支給發縣工完造冊繳報蒙此擬合
就行爲此仰府卽將本院助修龜山書院銀六十四兩四錢六分
除批動支贖銀四十兩給發外尙少二十四兩四錢六分再于贖
銀內照數支給發縣修葺工完冊報查考等因蒙此擬合就行爲
此仰縣官吏查照先今事理卽查建造前祠不敷銀兩除本院批
助贖銀四十兩外尙少銀二十四兩四錢六分再于該縣庫貯贖
銀內照數支給如該縣庫無前項贖銀卽便差人赴府申請施行
須至票者萬曆三十二年四月二十七日

縣申

直隸常州府無錫縣爲興復先賢遺蹟等事蒙欽差蘇松兵備道
鄒憲牌仰縣卽將武進縣解到本道助修龜山書院銀六十兩固
封差吏齎送鄉宦吏部郎中顧涇陽宅上交收取回帖先繳仍置

匾額一座令善書照式登寫完日上立具繇申報等因蒙此遵依除將匾額做辦完日另文申報外原蒙助修銀六十兩照數固封差吏齎送本宦收訖取具回帖現在擬合先行申繳爲此卑縣合行具申謹申伏乞照驗施行萬曆三十二年閏九月二十一日知縣林宰

直隸常州府無錫縣爲興復先賢遺蹟等事蒙本府信牌該蒙撫按學院道批詳動支官銀建造龜山書院緣由前事備奉仰縣卽將本府發下助修銀一百兩五錢五分原申本縣科貢等銀共三百七兩五錢七分及各宦助銀三百兩照數給發廉幹官員辦料興工勒限完報完日將用過工料逐項查明造冊并取官匠結狀申府轉繳等因又續蒙兵備道鄒發助銀六十兩共銀七百六十八兩一錢二分業此隨行主簿張守善管理間有本縣顧鄉宦首

倡在內經理遵將前項銀兩照數齎送本宦估買物料建造去後
各宦又議講堂自備工本建造不費官銀將前助銀三百兩自行
支用訖其官發四百六十八兩一錢二分端爲造建祠堂之用除
造祠堂并石橋開河築岸等費共銀三百七十三兩三錢五分造
完工訖爲照祠宇鼎成春秋之俎豆宜設講堂雲集歲月之供億
頗煩本縣會同各宦所議務須置買祠田百畝計價銀二百二十
餘兩每歲除聽辦糧外餘收米麥以供前費除本縣捐助銀五十
兩外又查前項用存銀九十四兩七錢六分五釐尙少銀七十五
兩二錢四分查前蒙按院批詳不足之數准於本院留充兵餉贖
銀內支銷又蒙學院二次行助贖銀六十四兩四錢六分查縣庫
本院項下只有贖銀五兩四錢九分五釐餘無可動另有一項歲
徵學租銀兩堪以動支本縣未經請明擅難支用合候轉詳示日

取送本官奏置祠田永爲久遠之計本縣查造完祠字用過物料
細數造冊先行申送伏候學按院批示至日遵行爲此卑縣合行
具由謹申伏乞照驗轉詳施行萬曆三十三年四月初九日知縣
林宰

府票

直隸常州府爲興復先賢遺蹟等事蒙巡按御史馬批發本府呈
詳動支原批助銀建祠銀兩存剩置田緣由蒙批捐助銀准於本
院新收聽支贖銀內照數動用其留充兵餉係前院贖銀照舊存
庫此繳蒙此案照先據無錫縣議申前來該本府看得無錫縣建
造過山祠業已落成春秋之俎豆并講堂歲月會講之供應須置
買祠田歲收米麥以供前費今據該縣議置田百畝該價二百二
十餘兩除建祠用存銀九十四兩七錢六分五釐及該縣捐助銀

五十兩外尙少銀七十五兩二錢二分五釐議請原批助銀內動支合無俯從准照在于原批助留充兵餉贖銀內動支銀三十七兩六錢一分二釐五毫給發湊買餘少銀三十七兩六錢二分零候詳學院批助找給等因具由呈詳蒙批前因擬合就行爲此仰縣官吏查照批詳事理卽于按院項下新收聽支贖銀內動支銀三十七兩六錢一分二釐五毫給發置買祠田其留充兵餉贖銀照舊存庫餘少銀兩候詳學院方許動找給置買完日備開田坵四址并應收米麥數目冊報查考須至票者萬曆三十三年五月二十二日

直隸常州府爲興復先賢遺蹟等事蒙巡按帶理學校監察御史楊批發本府呈請動支存剩贖銀餘少支發學租銀兩湊買祠田緣由蒙批准照數支送書院繳蒙批擬合就行爲此仰無錫縣官

吏卽於原中本院贖銀五兩四錢九分五釐及學租銀內支銀三十二兩一錢一分七釐五毫照數支送書院置買祠田取領狀二紙申府以憑轉報施行毋得違錯須至票者萬曆三十四年七月二十六日

附前盛公敷玄請復書院原呈

按慶曆間敷玄兩具呈學使

因工費浩大難于舉行且戊寅年卽物故此亦其徒有志而未伸之事也役雖不就願則可嘉附錄原呈以彰厥善嚴志

直隸常州府無錫縣儒學應試生員盛鑒等呈爲修復書院以勵士習事竊謂士習係於風教風教由於倡率吳下士習久靡幸藉宗師倡明斯道懇啟後學凡在陶鎔敢不思奮顧吾儒之道以學而致猶百工之事居肆以成本縣東林舊有楊龜山書院業已頽廢基址尙存理宜修復爲諸生約束之地伏乞宗師老人家查明來歷批發該縣銳意興復以崇風化其一切工費諸生別當義助

爲此連名具呈須至呈者隆慶元年八月具呈耿宗師

直隸常州府無錫縣儒學生員盛鑒等呈爲懇加修復先賢書院以崇正學以維名教事竊念本縣人文之盛雖宣于延陵季子以來而理學大明實倡於有宋名賢攸寓今城東有東林書院遺址乃宋楊文靖公龜山先生講學故地也寓居一十八年從遊凡數百輩道南之澤不泯迄今具載縣志隆慶元年八月內鑒等具呈欽勅提督學校宗師耿老大人蒙批看得前項書院旣係名賢遺軌所存義當修復况工費一切不煩官府其事無容退托者仰縣行學聽行各生修葺完日具申新院選取志行文學爲衆所學者主會于中率令原日本院賞等童生朝夕觀摩毋徒文具也等因經今已越六年諸生心力不協通邑縉紳先生慨焉共議修復竊念興舉廢墜雖受成于往年而作新教化端主張于今日伏乞宗

師老大人備查來歷并查嘉靖年間欽勅提督學校宗師聞老大
人興復事宜批發該縣嚴加崇闢銳意作興恢復久湮之一隅俾
存名教之樂地仍令通學廩增附生員公舉堪以主會者轉申詳
奪則斯文有主盟吾道不孤托况今纂修縣志理宜釐正入刻以
垂不朽先賢後學豈不兩有賴哉事關風教所係非輕爲此鑒等
連名具呈須至呈者萬曆元年九月具呈謝宗師批本縣查議速
報

縣申拆毀書院緣繇

直隸常州府無錫縣爲奉旨拆毀書院事天啟六年四月廿八日
奉巡按徐憲牌前事內開昨接邸報欽奉明旨蘇常等處私造書
院盡行拆毀刻期回奏欽此查得常州府無錫縣有原設書院一
所擬合亟行拆毀爲此牌仰該縣官吏即便督同該地方人等立

時拆毀拆下木料俱卽估價以憑題解不許存留片瓦寸椽限卽
日具將毀過緣繇呈報等因蒙此卽委本縣管糧縣丞來惟
觀勘拆去後隨據本官呈稱親詣東林處所喚同匠作估計拆毀
牌坊牆門一座價銀六兩廳屋三間價銀十八兩川堂三間價銀
十兩講堂三間價銀六十兩旁小屋六間價銀一十二兩共估價
銀一百零六兩續據本官查於萬曆三十三年四月初九日該陞
任林知縣具申兩院用價二百二十兩置買公田一百畝照原價
召民買訖又鄉宦吳知州助公田一百畝亦照官價二百二十兩
贖回訖又本縣鄉宦原任太常寺卿顧憲成零置基地六畝園地
十畝照官價三十二兩五錢召民買訖其田地畝數至今稅糧黃
冊以東林立戶委是二百一十六畝田屋二項通共該價銀五百
八十一兩二錢俱已照數完庫并具勘估拆照講堂等處各料細

數揭帖因繇開報前來據經備文造冊于天啟六年二月十七日
備文粘同收過前項田屋價銀數目中府轉報今奉憲牌遵查前
項東林書院房屋牌坊匾額碑碣等項先經奉文拆毀易價貯庫
訖現蒙守催擬合申稟爲此卑縣合行備繇具揭謹申天啟六年
五月 日知縣吳大樸

修復東林書院憲票

巡按察院祁公名票仰無錫縣官吏卽將東林書院逐一查議今
應修復合該工料若干有無堪動錢糧明白具詳并原行拆毀文
卷一并送院查閱毋違崇禎六年七月十二日

縣票

仰喚原管拆東林書院耆民談來泰卽將東林書院逐一查議今
應修復合該工料若干限次日內造冊呈遞此係現奉按院憲票

查復立待申報毋違崇禎六年七月十四日

查議建復東林書院回呈

耆民談來泰呈爲建復東林書院事遵蒙爺臺鈞票喚泰卽將東林書院逐一查議今查得書院舊式規址坐落城東弓河前有馬頭牌坊甬道月河橋梁門道牆門明堂麗澤堂依庸堂牆門聖殿左右藏書樓兩傍從屋過圍樹木悉嚴整壯麗天啟六年全區屋宇刻期番毀慘無一柱寸椽堪用者差役坐提易價倉卒變賣得價一百五十六兩又公田二百畝基地六畝園地十畝照原價共易銀四百七十五兩二錢二項共銀六百三十一兩二錢奉文賁解蘇州府協助祠工守候批回在卷前項屋宇價值較昔建造工程十僅得一蓋緣欽毀木植殘損過多求售無主故耳今奉前因隨啟各位鄉紳會集公議以舊式建復除麗澤堂三間先年係

貢生吳桂森捐資建造計費工料銀二百兩有奇外餘馬頭牌坊
甬道月河橋梁墻門門道川堂依庸堂墻門 聖殿左右藏書樓
兩旁從屋週遭樹木屋下裝摺椅桌鋪設諸項備查當年興舉設
處輸助錢糧得銀一千零二十三兩有奇陸續益造完局冊籍具
在今蒙建復合具圖式畧節呈覽伏候詳示定奪施行崇禎六年
七月十七日縣批准申憲批書院爲有宋龜山先生講學之壇豈
宜鞠爲茂草使後學仰止無地本院量捐助公費銀一百兩候另
檄解貯或建堂或贖田候銀至日該縣會同諸紳酌行繳

崇禎十三年庚辰巡撫張公

名國維

助銀一百兩修復東林書

院移文原志闕

請蠲書院基糧呈

無錫縣學生員高陽生高永厚高永清高蓮生高菖生高芷生等

具呈爲聖學重新儒林同慶懇恩永蠲書院基糧事竊惟東林書院自經魏璫拆毀屋材地基公田俱已變價解助大工逐字號基地稅糧十二畝零今經三十年仍在先忠憲公戶內輸納子孫貧弱力不能支竊念道南祠與東林書院雖有兩名實同一址道南祠載志書察得凡邑誌所載俱免起稅窮鄉梵宇皆然此舊例也況有別處升科 國課原額本無虧損伏乞 大宗師老公祖師臺批照免豁永爲定典旣異于良田美宅徒急貧室之催科庶得與梵刹琳宮均荷 國家之優卹 天臺衛道之功軫念之仁同爲不朽矣爲此激切上呈 本府太尊宋 批書院地基儒教攸關迺不獲與梵刹琳宮並邀 國恤良可慨歎仰縣速查別處升科急議除豁永著爲例繳順治十一年十月十五日知府宋公名之普

縣移

江南常州府無錫縣爲聖學重新儒林共慶懇恩永燭書院基糧事蒙 本府批發生員高陽生等連名呈詞前事奉批書院地基儒教攸關迺不獲與梵刹琳宮並邀 國恤良可慨歎速查別處陞科急議除豁永著爲例繳等因蒙此遵查陞科一項案經于順治四年有化下二十四都六箇四九里書朱德元陳炳煥冊報丈出化字號陞漲平高低蕩四則共田八十七畝九分共算平米十一石五斗二升八合除顧玄于六年二月間告抵補使字號平田三十八畝七分八厘除去平米七石五斗二升二合餘存平米合應清出抵補道南書院基糧十二畝該平米二石三斗四升卽應除豁其化下人戶錢糧卽應增補至于零星各戶陸續陞科亦應一併增入區畝輸賦但查陞科抵補增減錢糧事宜係隸總書承

管擬合移付知會爲此合付前去查照付文內事理即將原上高陽生等告減書院基糧十二畝將化字號陸漲田畝合算平米無虧照數抵補不得違錯責有攸歸須至付者

計開各戶陸科

周三益告陸墳垵七分八厘九毫

原下通字號

竇振隆陸智字號基地一分三厘

開元區

劉卿陸憶豐倉基四厘

孫瑞陸邇字號基一分

元下

錢錫英陸墩糧十三畝九分三厘

趙永亨陸戎字號灘蕩一畝一分

元下

吳塘陸黃字號基一分

景上

陸仲陸髮字號低田一分

揚下

黃道光陞重字號一畝二分八厘

萬上

高辰策陞毀字號平田五分一厘二毫

揚名

周詢陞河字號一畝

萬上

龔黃許惠陞身效字號河蕩六畝

王湖陞

字號埤地三分

化下

右付總書准此

順治十二年十月初八日戶房一扇承

修復書院憲牌

總理糧儲提督軍務巡撫江寧等處地方都察院右副都御史湯
爲修復先儒書院以崇正學事照得東林書院爲宋楊龜山先生
講學之地明顧端文高忠憲兩先生於此倡明正學斯道如日中
天遠近名賢同時相應揶揄國是維持綱常世道人心匡扶實多

本院束髮受書卽切景慕今歲春初親詣道南祠瞻拜登講堂與諸生考德問業徘徊久之但見垣墉頽圯景象蕭條已面屬該縣加意整理今准 部文各直省督撫學臣查明所屬 先賢讀書之所有傾頽者設法修葺令該地方官鼓舞儒生講習奉有

俞旨 本院所屬 先賢讀書之所未有重於東林書院者興復自不容緩合揣飭行仰司卽飭行無錫縣官親詣東林書院遍行閱視如垣墉有傾頽門窗有損壞者卽設法修葺務要處處堅固輪奐一新仍約集鄉紳耆儒循倣顧高兩先生講學遺規定期舉行庶幾真儒輩出正學日明仰副

聖旨崇儒重道興起斯文至意毋得視爲具文自干咎戾須牌
康熙二十四年十一月初四日

遵奉 部行飭修先賢祠宇府票

常州府正堂祖 爲請 敕修先賢祠宇等事蒙 布政司信牌
開奉 督 撫部院憲票內開康熙二十四年十一月初三日准
禮部咨前事等因到院准此除咨抄粘外合就飭行仰司查照抄
粘事理即便轉行一體欽遵施行毋違速速等因到司奉此合行
抄粘 部文行知爲此仰府查照 憲行開准 部咨奉

旨內事理即便轉行所屬一體欽遵施行等因到府蒙此合就抄粘
行知爲此仰縣官吏查照 憲行開准 部咨奉

旨內事理即便一體欽遵施行毋得遲延速速須票康熙二十四年
十一月二十九日行縣

縣詳

無錫縣詳覆遵奉 憲文內開准 部咨奉

旨內事理抄粘史料注 條奏歷代先儒讀書之所後人景慕前徽

建爲祠宇春秋致祀有傾頽者設法修葺等因今查得無錫縣在城東林書院及道南祠係疏內宋儒楊時十八年講習故區至明萬曆甲辰年係疏內本邑先儒顧憲成高攀龍所同興復一時講習最盛因并建祠以祀楊時諸賢者也天啟丙寅遇瑞難拆毀院廢祠存厥後戊辰奉前旨修復邑士吳桂森僅於院址構麗澤堂三楹而依庸堂燕居廟書室等處因工費浩繁未獲復建

本朝順治甲午年有高攀龍嫡姪高世泰葺祠及修麗澤堂併於堂之後重建

燕居廟及祭器典籍二室共爲屋七楹三十年內春秋釋菜會講獨任修理亦不啻再三今逝世已十餘年嫡子高莒生芷生等雖勤灑掃弗輟講習而修葺無資祠院日就頽圯此地已於本年十一月先奉 憲臺重道崇儒行文倡修現在興工料理再查得顧

憲成崇祠在惠山高攀龍祠亦在惠山又有城內止水祠係高攀龍表投淵之地俱奉各憲頒行祀典理合報明其餘賢祠非抄疏列名者槩不敢混列爲此據實具覆

總憲檄文

總理糧儲提督軍務巡撫江寧等處地方都察院右副都御史余爲顧憲給示以光盛典事據常州府學生員高蔭生高芷生呈稱切惟無錫縣東林書院建自宋儒至先忠憲公倡明正學先學憲公諱世泰繼修講習肩一綫迄今數載棟宇漸比去夏得蒙鹽院成捐俸修祠今秋有閣學李躬臨瞻禮茲值憲節臨吳快覩斯文有主顧賜給示兼勅府縣加意護持等情到院據此爲照東林書院係有宋大儒龜山先生創始於前四百餘年而忠憲高公端文顧公繼興於後其時海內承風名賢間作先中丞公與

都憲南臯鄒公講學白鶴書院質與忠憲端文兩先生遙相應和
至今吳楚之地文章埋學後先蔚起皆賴諸先生倡導之力楚學
使彙旃先生卽忠憲公之嫡姪曾著三楚文獻錄 先中丞公傳
載其中惜傳聞異詞而與南臯先生講學白鶴及力阻不建瑞祠
平贛南流寇諸大事未得備載也本都院受

命撫吳駐節金閭去書院不過百餘里每思身至其地俯仰前徽得
寄羹牆俎豆之思下車未久更無公便常慮講席久虛流風衰愬
聖朝首崇正學特與濂洛後裔世襲有司課績必先教化東林典型
在望地方官自應加意護守據呈已經修葺台行給示爲此示仰
該邑士民人等知悉此係前賢絃誦之區如有師儒生徒銳志聖
學不妨講習其中該府縣據實報名本都院核其實踐定行優獎
至于一切無藉棍徒及主客往來兵丁不許擅入混擾倘有故違

該守院人赴稟地方官立行拿解本都院以憑懲究毋得泛視特示

康熙二十一年九月二十四日示

整飭書院檄文

提督江南等處學政日講官起居注翰林院侍講李 爲書院務
急興修學徒尤宜整飭事照得梁溪東林書院爲 顧高兩公講
學之地崇祀先儒倡明聖學大裨人心風教方今

皇上首崇教化興學右文通行直省修葺學宮清查祠宇綸音炳如
日星寰宇咸知向學矧此名區勝地遺風未遠堂構依然經過徘徊
景行共切現經 撫都院親臨展祀查飭興修該府縣方在經
營整頓力圖修復舊規重興講席本院忝司學政樂觀厥成但恐
人心不古畛域多端未覩菁莪棫樸之風先逞荆棘蒿凌之習或

競分門戶或爭長枝流意見橫生是非蜚起陽借聖賢之名色陰
行傾險之肺腸鑽營則無所不爲排擠則不遺餘力鬪鬪絀于變
觸較利害于錙銖名爲孔孟之徒實則市井不若全無道氣一片
私心致使見者擲揄聞之恥笑二氏爲之鼓掌旁人莫不寒心豈
不敗壞聖門貽羞講席比之當時少正卯誠爲聖世之匪人講學
如斯不如其已合行嚴示禁飭爲此示仰地方有司矜耆庶人等
知悉俟東林書院修葺告竣之日務延真誠學道之儒或任主持
或輪司掌寧樸毋僞寧質毋華一應徇名躡譽之人伐異黨同之
輩不得逐取虛聲致滋濫舉以玷儒風凡在學徒咸宜各備實心
掃除客氣但期真切爲已以求不愧聖賢靜驗虛尋得孔顏開口
時莫爭朱陸入孝出弟信堯舜人皆可爲主敬致知在洛閩止此
一脈講菽粟布帛之學相與有成化異同畛域之懷惟求自得方

上不負

聖明重學之心下不辜吾黨切磋之力若其偽儒曲學簧鼓譎張假公濟私口堯心蹠專工指摘于語言文字之間不顧猖披恣傾陷矯誣之術倘有斯人來遊講席輕則鳴鼓而擯斥重則按律以究懲必不令學非言偽之徒得肆行于大道爲公之世各宜三省勿蹈叢愆須至示者

康熙二十五年正月二十三日示

整飭書院檄文

提督江南等處學政東宮日講官右春坊右贊善兼翰林院檢討許爲前賢書院整飭宜嚴事照得東林書院爲

顧端文兩先高忠憲

生講學之地爾時道統倡明儒風振起雖樹戈矛者不乏含沙之射而勵名節者益多信道之儒羽翼聖經功堪不朽輝光史冊名

豈徒傳隨以生前講席創爲設後賢祠英爽式憑神明有托近聞
載主而升者歲增月積堂廡幾盈左席右筵姓名已徧雖談經論
道而公樂有同心而促膝摩肩一室幾難措足嗣後須切濫觴之
戒務存慎典之思或者理學文章可與匹休懿躋功名氣節洵堪
媲美芳型輿論僉同明禋斯薦至若春秋享祀務期豐潔亘籩棟
宇懷題無使漂搖風雨庭砌荒蕪須闢院門鎖鑰宜嚴一切酒徒
豈容攢集百凡土棍無許侵陵蓋召伯之堂移時還念謝公之宅
奕世猶聞茲土者倍宜留意合行曉示爲此仰該縣官吏加意
整飭示到卽行張掛院門并諭司院人等小心恪守毋得玩忽須
至示者康熙三十二年 月 日示

請復行抵補書院基糧呈

無錫縣紳士楊慶徵高芷生秦源寬等公具呈爲尼山道脉當延

院基免糧有例公懇照舊遵行以光理學事錫邑東林書院係
宣聖燕居廟歲時致祭傍有歐林曾三公祠俱係本郡本邑守土
之官其左有楊龜山道南祠自宋以迄

本朝凡先賢之有功於東林者俱在配享之列春秋仲丁行釋菜禮
名重天下並非泛常祠宇可比素賴當道主持近蒙 撫憲張公
重道崇儒捐俸修葺親臨講學觀聽環橋洵稱盛事其祠院基地
向奉免稅將新陞適字等號田糧頂補在案康熙四十一年奉憲
清查開墾荒田竟將祠院基地一併開報徵糧後因無人完納慶
徵等具呈 陞任撫憲宋公蒙批仰布政司確查報司行府府行
縣前縣李父臺詳覆照舊優免因無新陞可抵情願捐俸代完由
府詳司詳院 接任撫憲于公批允遵行前縣林父臺仍照舊代
辦註冊免徵在案恭遇 老父臺家傳錦繡學有淵源繼往開來

共仰循良之保護讀書論道羣推大雅之維持至基糧一事現今
報陞已多伏乞批着該房查將新陞田畝循舊撥補或照前任重
道美意捐俸代完在 老父臺一主裁間則先聖先賢之靈俱賴
以妥佑而觀海來遊之士咸頌明德于無涯矣爲此連名上呈
本縣邑尊涂 批據呈向例應將新陞田畝頂補祠院基地之稅
可垂永久前兩縣任內因無新陞可補是以議捐已俸代完本縣
非不樂從但恐非垂久之計今既有新陞田地准循例撥補可也
該房速妥議稟覆康熙五十二年七月二十六日知縣涂公名鍾
俊

縣牌

無錫縣正堂加一級涂 爲陞科抵補祠基糧額事案查東林書
院祠宇基地坐落在城東北六等畝逐字號共基地一十二畝歷

經免糧至康熙四十一年間奉憲清查開墾荒田前任將祠院基地一分開報徵糧在案今據紳士楊慶徵高芷生秦源寬等呈詞開列從前優免緣由前來據此合將現陞糧地頂補祠基糧額爲此仰五十二年總書李元培遵照本縣陞科田地逐號註明細數科糧額總分發該書驗派入甲除去東林書院祠基原數毋得舛錯仍具遵依覆縣附查施行

計開陞科細數

劉興

青下十二二劉貞誠字一千六百六十四號平田四分二厘

比下五六二金時敏兄字五百十九號平田一分三厘

楊上廿五十一袁弘登大字三百八十二號平田三分五毫

付上十五五朱金字字一千二百八十二號平田二分八厘

天下五三四顧

元興

傳字一千二百八十五號平田三分七

厘五毫

聖^四天上三七高經甫 字一千四十二號平田二分

元上廿二六鄒忠遐字一千一百五十號平田二畝

青下八五鄧文煥劍字四百廿二號平田九厘

元下廿二八繆道生一字一千二百五十二號平田一分三厘一毫

元上廿三六王祥瑞在字四百十九號平田一分三厘六毫
化下廿四八浦高商草字一百三十七號平田二分六厘一毫

景上五九二顧子^侯顛字四百三十三號平田二分

萬上十一三許永寧介字九百^{五十五}廿八號平田^{一分}三分共四分

新下三十二王以徵悲字六百九十四號平田四分三厘

天下五三三周仲超受字二百九十四號平田四分

元下廿一一吳仲常章字一千四百五十五號平田三分九

厘

青上九一鄭崑字號字二千一百十八號平田二分七厘五

毫

^四楊下西南一杜華華字一號平田一分二厘

天下五三二陸惟新唱字九百八十二號平田一分八厘九

毫

景上五九二周孟侯顛字一千五百四十九號平田一分三

厘

景上五九二周寧侯顛字一千五百四十七號平田四分

付上十五五

沈公遠王杞壽朱字字

號平田

共八分

景上五九二

李堪生周瑞侯

顛字二千五百四十七號平田一分七

厘八毫

懷下四四二黃餘三今字二千九百八號平田四分

懷下四七一劉仲如職字三千二百五號平田一分

楊上廿六十一毛翼貞字二百十四號平田五分二厘

四

化上廿九一許爾常靡字四百五十四號平田二分

化下廿八一邵世安能字七百八十二號平田二畝

付上十六四虞智培蒙字二百七十三號平田四分

天下一七廉殷生洪字一千三百七十九號平田四厘

懷下五五九席城瑞兒字八百八十一號平田一分一厘

已上三十一號其平田十二畝一厘二毫

計開祠院基糧

逐字六號平田一分五厘五毫

八號平田四畝八分七厘二毫

十四號平田一畝六分一厘二毫

十五號平田六分三厘

十六號平田一畝五分一厘四毫

十七號平田九分三厘四毫

十八號平田一畝七厘二毫

二十號平田三分五厘

二十二號平田八分六厘一毫

已上九號共平田一十二畝現在楊上廿六八一甲高

忠憲公戶內完糧

附請蠲玉泉塋稅呈

無錫縣景雲區東北五畝民喻儒喻文喻舉喻璋喻坤成等呈爲
天憐先代名臣恩免一垓塋稅事始祖玉泉公諱樛係前宋紹興
間工部尙書員外郎抗節當朝著名青史濟時難宰執稱子才之
功按敕書帝語嘉握蘭之選崇正久瞻俎豆道南聿列几筵昔日
邵文莊題碣墨汁猶新近者高學憲建碑道風丕振舊壙一丘坐
落景雲區天授鄉一都三畝追溯曩徽載稽懿躋似當與秦龍圖
共垂封樹于厯山李忠定同表豐隆于膠嶺乃者本支彫謝墓道
榛荆野蔓荒烟淚灑夕陽翁仲長林茂草心悲日落狐狸魏相之
穹碑仆矣羊公之峴首哀哉伏遇天臺人倫師表理學朝宗封墓
旌賢修祠揚德枯骨爲之再生往哲藉以不朽儒等係公十六世
孫犬馬私衷敢于龍筆伏乞 天臺電覽前朝御寶軫念始祖遺

徽史傳不磨綸音可據所有立字六百二十一號一畝七分四厘六毫墳粗飭諭該房恩加蠲免求將新報增漲陞科田畝頂補庶君子之澤千秋不斬小人之慕百世邇休爲此哀籲具呈須至呈者康熙八年十二月二十一日上呈 本縣正堂吳 批宋賢喻公文章事業刊載史書最爲明著衣冠之藏幸其儼在道德之緒賴以長存與其履畝而襲前賢曷若封墓以彰 國典所有墳糧應予蠲免准查新報陞科抵完前課可也等因于康熙九年四月二十七日行仰該區書照數蠲免訖

計開

將懷上四十六都四畝告陞優字一千二百六十八等號折平田一畝七分四厘六毫頂補

東林書院志卷之十四終